

På Tysnessåto



FRÅ KVINNHHERAD: – Ei heilt magisk oppleving, seier gjengen frå Kvinnherad om såtekonserteren. F.v. Ann Irene Sæle frå Uskedalen, Remi Onarheim, utflytta tysnesing til Rosendal, Monica Helen Sæle Kårstø, Rosendal, og Miriam Sæle Kårstø frå Valen.

Johannessen frå Bergen, med ferieplass i Ve.

– Dette var ei himmelsk oppleving, kommenterer han etter at konserten er over.

– Eg har vore mange gonger på Såto, men dette var den fyrste såtekonserteren. Det blir ikkje den siste, legg han til.

– Blei forventningane innfridd? – Ja, absolutt. Det er alltid spektakulært å vera her, både i fint og dårleg ver. Å sjå alt mylderet her i dag, er heilt imponerende. All ære til dei som klarar å få dette til, seier han rosande.

– Eg vil tru det må vera heilt spesielt for artisten å få vera med på dette også, seier han. Og smiler.

– Kunne gått ein tur til

Utflytta tysnesing Sonja Hjellev er også på såtekonserter for fyrste gong. I år passa det med ferien.

– Eg har hatt to magiske

opplevingar, ikkje berre musikken, men og stemninga, fyrst på Solstråleøya i går kveld, og så her i dag. Dette freistar til gjentakning, kommenterer ho.

Remi Onarheim har teke med seg tre kvinnheringar til såtekonserteren.

– Sivert Høyem har ein av Norge sine finaste stemmer. Eg kunne gått opp ein gong til for å høyra han, seier Ann Irene Sæle frå Uskedalen, også ho på såtekonserter for fyrste gong.

Gjengen frå Kvinnherad er heilt samstemte om turen.

– Heilt fantastisk. Ein nydeleg stad, og ei flott musikalsk oppleving.

– Neste år kjem me igjen, seier dei i kor.

OLE SKATEN
ole@tysnesbladet.no

Adrenalinfylt tur i fjorden



KLAR FOR TUR: Ein spent Hugne Furdal gler seg til å køyra i ribbåt for fyrste gong. – Eg forventar at det vert fartsfylt, smilte han før turen.



FULL FART: Turen var på omlag ein time, og på den tida fekk ein sett mykje. Her er båten framme ved Marstein fyr. Fremst sit Reidar Fyllingen (t.v) og Hugne Furdal (t.h). Bak sit Brede Rusvold, Christine Larsen, Joachim Holmedal (sjåfør) og Kristoffer Hollås.

Bergen Searib sytte for fart og moro under Tysnesfest.

– Eg forventar at det vert fartsfylt!

Hugne Furdal sit og ventar spent på å få vera med i den fyrste RIB-båtturen under Tysnesfest. Det er fyrste gongen Hugne skal på ein slik type båttur, og han gler seg til fart og spaning på sjøen. Mor Jorun Karin Furdal ser meir skeptisk ut.

– Eg er glad for at eg slepp vera med, ler ho.

Kledd for tur

Saman er dei på bubilferie, og har parkert bilen i Våge for å få med seg Tysnesfest.

– Me har kjøpt festivalpass, så me lyt prøva å få med oss mest mogleg av festivalen, smiler ho mot sonen, som nikkar einig for han går og kler seg for turen.

Etter å ha fått på seg flyte-

drakt, flytevest og briller, var han klar til ein tur i ein av dei to ribbåtene firmaet hadde med på festivalen. Ein båt med heile 700 hestekrefter.

Heilt til Marstein fyr

– Båtene her kan opphavelig køyra i 70 knop, men me køyrer ikkje i meir enn omlag 50, fortel Joachim Holmedal frå Bergen Searib.

Kollega Kristoffer Hollås legg til at tryggleiken er eit av dei to hovudfokusa til den nyetablerte bedrifta, som vart starta opp i fjor.

– Det andre er sjølsagt kundeopplevinga. Me ynskjer å gje kundane våre noko dei snakkar om i ettertid.

Og for å oppnå dette, var ruta for køyreturen nøye planlagt. Målet var Marstein fyr, som ligg i Austevoll kommune. På vegen vart det køyrd mellom holmar og trange skjær.

– Tanken er at dei som er

med skal få oppleva alle elementa ved tur i ribbåt, både havrafting med hopp på bylgjer, og køyra mellom holmar og skjær, fortel Holmedal.

Kjend på strekninga

Og Hugne kunne etter turen skriva under på at opplevinga stod til forventningane.

– Det var svært kjekt! Det eg likte aller best var humpane då båten køyrde over bylgjene, sa han med eit breidt glis etter å ha kome i land att.

Ein annan som var godt nøgt med turen, var Reidar Fyllingen.

– Eg er godt kjend i området etter å ha jobba ombord på MS Eidfjord i 1971. Då gjekk båten i rute mellom Austevoll og Fitjar, to gonger i veka. Men dette var ei anna oppleving, det var litt heftigare, smilte han på land etter turen.

LENA HELVIK
redaksjonen@tysnesbladet.no